

Ankica Čanić, dipl.oec. - Magistarski rad

Fakultet/Akademija	EKONOMSKI FAKULTET
Tip Rada	Magistarski rad
Kandidat, zvanje	Ankica Čanić, dipl.oec.
Naziv Teme	Uticaj interne kontrole na povećanje efikasnosti poslovanja u bosanskohercegovačkim bankama
Rezime/Abstract	<p>Magistarski rad pod naslovom „Uticaj interne kontrole na povećanje efikasnosti poslovanja u bosanskohercegovačkim bankama“, urađen je na 175 stranica A4 formata, od čega se 144 stranice odnosi na osnovni tekst, 8 na popis literature, dok se ostale stranice odnose na dodatke. U toku istraživanja korišteno je 175 bibliografskih jedinica, od kojih su 35% sa anglo-saksonskog govornog područja. Pored uvoda, zaključka, dodataka i korištene literature, magistarski rad je strukturiran u pet cjelina, te sadrži 1 šemu, 35 grafikona i 6 slika. Predmet istraživanja se bazira se na analizi i komparaciji osnovnih karakteristika internih kontrola u bankama, sa posebnim osvrtom na unaprijeđenje efikasnosti poslovanja banaka. Revizijski proces ostvaruje se uz primjenu računovodstvene i revizijske regulative. Interne kontrole u bankama, značajno doprinose fer prezentiranju finansijskih izvještaja i otkrivanju segmenata sa negativnim uticajem na poslovanje banke, odnosno doprinose stabilnosti ukupnog bankarskog sistema. Specifičnost ovih procesa ogleda se i u sprečavanju nastanka gubitaka u bankama. Pored toga, veoma je značajno utvrđivanje razloga već nastalih gubitaka i iznalaženje rješenja za takve situacije. Upravo kvalitet uspostavljenog sistema internih kontrola, te informisanje nadzornog odbora i odbora za reviziju banke sa odgovarajućim prijedlozima, treba da omogući unaprijeđenje poslovanja. Magistarski rad je upotpunjen rezultatima istraživanja dobivenim sprovedenim anketiranjem, koji su statistički obrađeni i grafički predstavljeni. Uzimajući u obzir dobivene rezultate istraživanja, te parametre koje interna kontrola mora imati da bi bila efikasna, prezentiran je i model efikasnog sistema interne kontrole. Pored toga, dat je osvrt na trenutno stanje sistema interne kontrole u bankama u BiH. Mjerama koje su, u posljednjem periodu, preduzele Centralna banka BiH i Agencije za bankarstvo oba entiteta, učinjen je značajan potez da se interni nadzor u našim bankama uredi na način na koji je uređen u razvijenim zemljama u svijetu. To se prvenstveno odnosi na Odluku o minimalnim standardima sistema interne kontrole u bankama, kojom su propisani osnovni principi organizacije i rada interne kontrole u bankama. Banke na bazi ove odluke donose svoje interne procedure, koje regulišu načine, na koji njeni uposlenici vrše svoje funkcije, a time vrše i internu kontrolu poslovanja. U ovome je radu naglašeno, kako je funkcija interne kontrole u bankarstvu veoma značajna. Globalizacijom, kao i trendovima u razvoju bankarstva, ona postaje neophodan element organizacione strukture banke. Usto, njezin je značaj naglašen i razvojem informatičke tehnologije te elektronskog bankarstva. Zbog svega toga, sve metode i postupci koji se koriste u internim kontrolama u ovakvim uslovima moraju biti na najvišoj razini razvoja. Kako bi se uspostavio sistem efikasne interne kontrole, rukovodstvo institucije treba izvršiti pregled i procjenu trenutnog stanja kontrole, identificirati ključne rizike, i dati prioritet područjima koja zahtijevaju poboljšanje. Ključne riječi: interni i eksterni nadzor, interna kontrola, interna revizija, komponente interne kontrole, regulativni mehanizmi, efikasnost poslovanja, fer prezentiranje, vjerodostojnost, transparentnost.</p>
Datum	22.08.2012
Predsjednik	Dr. sc. Reuf Kapić, redovni profesor za užu naučnu oblast „Računovodstvo“, Ekonomski fakultet Univerziteta u Tuzli
Mentor	Dr. sc. Selma Novalija, docent za užu naučnu oblast „Računovodstvo“, Ekonomski fakultet Univerziteta u Tuzli
Član komisije	Dr. sc. Emira Kozarević, docent za užu naučnu oblast „Finansije“, Ekonomski fakultet Univerziteta u Tuzli
Član komisije	-
Član komisije	-
Zamjenski član	-
Dodatni detalji i lokacija	dana 22.08.2012. godine u 10,00 sati u amfiteatru Ekonomskog fakulteta u Tuzli
Završne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.